

EXAMINATION NUMBER _____

BLANTYRE RURAL DISTRICT EXAMINATIONS
2024 MALAWI SCHOOL CERTIFICATE OF EDUCATION MOCK EXAMINATION
CHICHEWA

Thursday, 28th March, 2024

Subject Number: M032/III

Time Allowed: 2hrs

1:30-3:30pm

PAPER III
(Malikisi 70)

Malangizo:

- 1. Onetsetsani kuti pepala ili lili ndi masamba osindikizidwa **khumi**.
- 2. Pepalali lili ndi magawo awiri: **A** ndi **B**.
- 3. Lembani **nambala yanu yamayeso** pamwamba pa tsamba **lililonse loyankhirapo**.
- 4. Muchitebulo chili kumbaliku, onetsani funso lililonse lomwe mwayankha pochonga mubokosi lomwe lili kutsogolo kwake.
- 5. Perekani pepalali kwa oyang'anira mayeso nthawi ikakwana.

Funso	Chongani funso ngati mwayankha	Umu mutsalembemo	
1			
2			
3			
4			

Turn over

Gawo A (Malikisi 30)

Nkhani za mchezo ndi zolembedwa

Langizo: Yankhani mafunso onse mgawoli

1. Werengani ndakatulo ili m'munsiyi ndipo muyankhe mafunso otsatirawa.

KWAGWA CHAUTA

Pondidzidzimutsa nawo uthenga
Nanga n'chiyani chachitika?
Mkoko wogona uja kuno!
Aukonzekeretsa kupita ku mbiyazodooka
Ndilamula bwanji mudzi?
Poti ondithangatira ndi uyo wapitayo
Mudzi watha tsopano
Adzukulu ndi awo
Adali mgodi wanzeru
Kulimbikiraso kudali mwa iye
Mawere akawirirana amalowererapo
Anthu anjala amakhuta akafika pakhomo pake
Imfayi osakhululuka bwanji?
Kuti izingoti odalirikayo zu
Udzunguya undivuta kubwalo langa
M'mwemo poti ikakwana nthawi

Mafunso

- i. Ndani akuyankhula mndakatuloyi.
_____ (malikisi 1)
- ii. Tchulani yemwe akuyankhulidwa mndakatuloyi
_____ (malikisi 1)
- iii. Tsimikizani kuti woyankhula ndi wodandaula

_____ (malikisi 2)
- iv. Lembani zinthu ziwiri zosonyeza kuti munthu yemwe wapitayu adali wodaririka

_____ (malikisi 2)

- v. Perekani zitsanzo za zipangizo zotsatirazi kuchokera mndakatuloyi.
- a. Kulowana kwa mawu
_____ (malikisi 1)
 - b. Kutsinira mawu
_____ (malikisi 1)
 - c. umunthu
_____ (malikisi 1)
- vi. Perekani matanthauzo a mawu awa
- a. Mawere akawirirana
_____ (malikisi 1)
 - b. kumbiya zodooka
_____ (malikisi 1)
 - c. udzunguya
_____ (malikisi 1)
- vii. Tchulani mtundu wa ndakatuloyi.
_____ (malikisi 1)
- viii. Perekani phunziro limodzi lalikulu lopezeka mu ndakatuloyi

_____ (malikisi 2)

2. Werengani nkhani ili mmusiya mosamala ndipo muyankhe mafunso otsatirawo.

Mwayiwanga chidali chitsitsansepe cha bambo ndi mai Molenji. Iwowa adali ammodzi mwa Bango kudera la mfumu yayikulu Masamba. Nthawi yomwe Mwayi ankabadwa ndikukula chinyamata chake, sukulu nkuti zili potalikirana. Adayesera kupita kusukuluko ngakhale kudali kutali poti kanthu n'khama . Popeza adayamba atakulirapo ndithu, adangotsekulako maso owonera malembo pabuku ndikuwerenga masamu ophweka. Kaamba ka chipongwe chimene akufupi ndi sukuluko amamuchita, Mwayi adangoipepesa nalowa mkhasu. Tinzeru tomwe adakaba ku sukulu kuja tidamuthandiza kumatsatira zonena za alangizi azaulimi. Mwayi ali ndi zaka makumi awiri, adapempha kachigunda kwa makolo ake kuti alimepo mtedza moyesera. Makolowo adamudulirako munda wawo nampatsanso mbeu yamtedza.

Molimbika, Mwayi adalisasula tsala nalima mizere ya chilele. Chauta adamuona navumbitsa mvula mopanda tsinya. Pomwe chaka cha ulimi chimasendera, Mwayi adatuta ngolo zinayi za mtedza. Adagulitsako mtedza wina ndipo adapha makwacha ochuluka. Anzake adayamba kumusilira ngati mbeta yodzadzana. Ndalama zomwe

adapeza zija zidampatsa mangolomera moti chaka chotsatiracho adalimanso chimanga ndi mtedza wambiri. Adafunitsitsa atakhala pakhomu lakelake. Mbewu zija zidaloranso kwambiri. Atakolora adagulitsa mbewu zofunika kugulitsa. Mnyamata adasamba ndipo atsikana amangomukhumbira.

Malingana ndikukhazikika mtima ndi kugwira ntchito molimbika, Mwayi adapeza nkhalo mmudzi momwemo nachita zachimangamudzi cha angoni. Adatenga mkazi wotakataka komaso wakupsa mawere. Nyumba yake idasanduka pa chipala cha ntchito zamanja ndipo anthu amakhala pikitipikiti kupita kumeneko. Omuona adampatsa dzina latsopano lakuti Katondoaonenji. Adadzipezera munda wina naugula. Pa luso laulimi, pakhomu pakenso padalinso pachipatala. Pakhomu pakenso sipamachoka anthu. Ena odzafunsira nzeru, ena amimba ngati mitsuko odzangodya pomwe ena amadzagula chakudya. Ambiri adasandukanso achikumbe ndipo dera lija lidakhala lachitsanso pothetseratu njala. Njala idali mnyanga wagalu kumeneko.

Kulimbikira paulimi kudamupindulira. Adagula ng'ombe, ngolo, khasu lolimira ndi ng'ombe komanso makina opopera madzi. Adakhazikitsa ulimi wothirira omwe udamupambanitsa mpikisano pa zaulimi. Anthu ambiri adachitanso chimodzimodzi ndipo kudera kuja kudali mwanandani.

Atamera nthambi, ana ake onse adawapititsa ku sukulu nawalimbikitsa kuti 'sayenda adabala mwana adayenda'. Dera lija alimi adayambanso kulima kwa mpikisano koma gwero lake lidali Mwayiwanga Mulenji.

Tsopano yankhani mafunso otsatirawa

- i. Tchulani malo omwe nkhaniyi ikuchitikira.
_____ (malikisi 1)
- ii. Nchifukwa chiyani Mwayi adayamba sukulu mochedwa?
_____ (malikisi 1)
- iii. Nchiyani chikusonyeza kuti Mwayi adali wanzeru kusukulu

_____ (malikisi 2)
- iv. Fotokozani pamponda chimera pa nkhaniyi.

_____ (malikisi 2)

- v. Tsimikizani kuti Mwayi makolo ake amamukonda.

_____ (malikisi 2)
- vi. Kuchokera m'nkhaniyi pezani chitsanzo cha zipangizo zotsatirazi.
- a. Mvekero
_____ (malikisi 1)
- b. Chifanifani
_____ (malikisi 1)
- c. Mkuluwiko
_____ (malikisi 1)
- vii. Perekani matanthauzo a mawu otsatirawa monga momwe agwiritsidwira ntchito m'nkhaniyi.
- a. Adaipepesa nalowa mkhasu
_____ (malikisi 1)
- b. Chitsitsansepe
_____ (malikisi 1)
- c. Wakupsa mawere
_____ (malikisi 1)
- viii. Tchulani mtundu wa mphendero yomwe mlembi wagwiritsa ntchito.
_____ (malikisi 1)

Gawo B (Malikisi 40)

Langizo: Yankhani mafunso **awiri** m'gawoli m'ndime zofotokozedwa bwino

3. NTHONDO (S.J. Nthala)

- a. Ulesi ndi khalidwe limodzi loyipa limene nthondo adali nalo. Tsimikizani izi popereka mfundo zinayi. (malikisi 20)

Kapena

- b. Fotokozani mavuto anayi omwe Nthondo adakumana nawo mmoyo mwake chifukwa cha makhalidwe ake oyipa. (malikisi 20)

[illegible]

[illegible]

4. CHAMDOTHE NDI ZISUDZO ZINA (S. Likongwe ndi W. Nkhoma)

ZIKANI

- a. Ufulu wa ana pa maphunziro umaphwanyidwa mseweroli. Tsimikizani izi
popereka mfundo zinayi. **(malikisi 20)**

Kapena

MCHIRA WA BULUZI

- b. Tsimikizani popereka mfundo zinayi zosonyeza kuti Nadzonzi akadapasula banja
ndi manja ake. **(malikisi 20)**

[illegible]

[illegible]

MAFUNSO ATHERA PANO